

**FOND VOLIM SVOJ GRAD
O D L U K A
o finansijskoj podršci organizacijama i neformalnim grupama**

Komisija za dodjelu grantova je na sastanku 28.12.2020. godine, razmatrala 57 aplikacija za sufinansiranje projekata udruženja i neformalnih grupa sa područja Tuzlanskog kantona pristiglih na Javni poziv za podršku građanskim projektima i inicijativama u okviru Fonda Volim Svoj Grad od 03.11. do 06.12.2020. Odobrena je dodjela sredstava za 21 projekat.

REZIMEI PODRŽANIH PROJEKATA

OBLAST: OČUVANJE PRIRODE I BRIGA O OKOLIŠU, ZDRAVLJU I KLIMI

Planinarsko društvo „Konjuh“ Tuzla
Vršani - pluća Grada Tuzla

Planinarsko društvo „Konjuh“ planira urediti dvorište planinarske kuće u Vršanima „Djed Stjepan“ kako bi se posjetiocima koji dolaze i obilaze krajolike iznad Tuzle (Ilinčica, Vršani i površinski kopovi) pružio ugodniji i za djecu sigurniji ambijent. Kroz projekat će se najviše fokusirati na uređenje infrastrukture oko planinarske kuće tj. postaviti će zaštitnu ogradu, stolove i obnoviti jedini prirodni bunar pitke vode koji se nalazi u neposrednoj blizini, a kojim se služe i stanovnici tog predijela koji nemaju priključka na gradski vodovod. Izvršit će markiranje planinarskih staza koje povezuju planinarsku kuću „Djed Stjepan“ sa mjesnim zajednicama Ši Selo, Slavinovići, Dubrave i Par Selo, kao i edukacije o okolišu za mlađe članove društva i posjetioce. Projektom će se stvoriti bolji uslovi u domu i ovaj objekat bi mogao odgovoriti na potrebe planinara i gostiju i biti će atraktivnije mjesto koje će promovisati potrebu boravka građana u prirodi, naročito kada je ta potreba zbog zagađenog zraka u Tuzli i pandemije COVID 19 izraženija više nego ikad.

Udruženje mladih "FUTURA" Donja Međiđa, Gradačac
Uradimo zajedno

Udruženje mladih "FUTURA" je novoosnovano udruženje, nastalo u vrijeme pandemije. Projektom će napraviti partnersku saradnju između tri zajednice, tj Međiđe Donje, Srednje i Gornje i u istima će postaviti kante i klupe. Instalacijom kanti za otpatke na navedenim mjestima će drastično smanjiti zagađenje naše okoline, a dodatnim educiranjem školaraca i njihovim uključenjem u ovu akciju planiraju podići njihovu svijest i pomoći im stvoriti bolju i pozitivniju sliku o važnosti zaštite životne sredine, kako za trenutne, tako i za buduće naraštaje. Time će dugoročno uticati na kvalitet, kao i ljepotu njihove zajednice, kako djelovanjem i čišćenjem zajednice, tako i prevencijom njenog zagađenja, što je i sami cilj ovog projekta.

Planinarsko društvo Resnik Memići



Planinska avantura

PD Resnik Memići djeluje od 2013. godine na području općine Kalesija. Projektom „Planinska avantura“ će izvršiti uređenje staze, postavljanje putokaza, uređenje izletišta, postavljanje klupa i drugog mobilijara. Vlastitim resursima do sada su izgradili planinarsku kuću, te započeli vanjsko uređenje izletišta. Također, za najmlađe posjetioce planirano je postavljanje klackalica i ljuljaški. Realizacijom projekta žele stvoriti preduslove za redovne aktivnosti Planinarskog društva Resnik ali i pružiti priliku svim zainteresiranim građanima da svoje slobodne vrijeme provode u ovom domu. Prilaz planinarskoj kući nije moguć vozilima, što je jedna od prednosti u odnosu na neka druga izletišta jer dugoročno neće doći do devastacije uređenih površina, ali i samim tim boravak je daleko ugodniji jer se nalaze u prelijepoj prirodi daleko od automobila i drugih zagađivača.

Biciklistički klub MTB Trebava Gračanica

Mapiranje i uređenje prve MTB staze na opštini Gračanica

BK MTB Trebava je organizacija osnovana 2020. godine na području općine Gračanica i za cilj ima promociju brdskog biciklizma. Projektom Mapiranje i uređenje prve MTB staze planiraju mapirati tzv. Rimski put u dužini 5 kilometara, a dugoročno je planirano označavanje dionice u ukupnoj dužini od 12km. Pored mapiranja staze planiraju postaviti velike karte i putokaze na trasi ovog puta. Projektom je zamišljeno i da se trase ove dionice unesu u sve online mape i otvori mogućnost za online preuzimanje ovih mapa. Ovim projektom stvorit će se uslovi za održavanje revijalnih i takmičarskih utrka. Podršku za realizaciju projektnih aktivnosti dobili su i od Turističke zajednice Grada Gračanice, čime će se uticati na promociju turističkog dijela Gračanice, promociju brdskog biciklizma ali podizanje svijesti o važnosti vožnje biciklom, kao alternativnim sredstvom prevoza. Povezat će se lokalitet uređenog izletišta izgrađenog od strane lokalnih vlasti, čime će zasigurno obogatiti turistički sadržaj na području Gračanice. Ovaj projekat će dugoročno omogućiti i samoodrživost udruženja, a uređena biciklistička staza bi bila jedan od sadržaja koji oni planiraju ponuditi svojim korisnicima i drugim ljubiteljima biciklizma širom Tuzlanskog kantona.

Etažni vlasnici Slatina 18

Igra iznad oblaka

NG Etažni vlasnici predstavljaju grupa roditelja i komšija iz MZ Slatina tj. sa adrese Slatina 18, koji su pokretači nekoliko uspješno realiziranih inicijativa u MZ Slatina. Prije nekoliko godina su na svojoj terasi uredili kutak za penzinere, a sada realizacijom projekta „Igre iznad oblaka“ žele da na zapuštenom dijelu terase od 120m² naprave kutak sa mobilijarom za igranje, vježbanje i odmor za mlađe stanare. Realizacijom projektnih aktivnosti će urediti zidove, podove, zaštitnu ogradu i rasvjetu; nakon čega će postaviti mobilijar za igranje i vježbanje; nakon čega bi sadili cvijeće, voće i povrće kako bi prostor vremenom postao zelena oaza na krovu zgrade. Ovim projektom će se poboljšati kvalitet života stanara, naročito za vrijeme pandemije, te stvoriti ljepše okruženje na terasi same zgrade a ujedno će se dodatno promovirati važnost ulaganja u kreiranje zelenih oaza posebno na napuštenim dijelovima zgrada po uzoru na druge gradove širom svijeta.

Vijeće roditelja učenika JU OŠ Gnojnica Gnojnica



Naše dvorište je naše ogledalo

Vijeće roditelja učenika JU OŠ Gnojnica se okupilo s ciljem rješavanja problema unutar svoje zajednice a posebno u krugu OŠ Gnojnica. S obzirom da u navedenoj zajednici ne postoje adekvatne kante niti kontejneri za odlaganje otpada Vijeće roditelja je u partnerskoj saradnji sa menadžmentom škole prepoznalo navedeni problem koji direktno utiče i na boravak učenika u dvorištu škole gdje često bude mnogo smeta. Realizacijom projekta žele nabaviti kontejner i postaviti kante za smeće, te uticati na lokalne vlasti da riješe problem odlaganja i odvoza otpada. Dodatno će izraditi fišere vezane za recikliranje otpada i održati radionice na temu ekološke osviješćenosti građana.

Aktiv poljoprivredne struke JUMSS Živinice
Za ljepšu školu i ljepši moj grad

Ispred objekta JU Mješovite srednje škole Živinice nalazi se školsko dvorište u kojem su planski predviđeni prostori za boravak učenika, atrij u kojem može boraviti do 180 učenika, klupe za sjedenje, zemljane površine, namijenjene za ukrasne i drvenaste biljke i cvjetno rastinje. Realizacijom ovog projekta planirano je da se postojeća infrastruktura prilagodi potrebama učenika i učenica, odnosno da se posade nove sadnice koje će pomoći prije svega realizaciji praktične nastave. Sadnjom novih sadnica, njihovim njegovanjem, održavanjem, uklanjanjem neuglednog i neprikladnog rastinja sa svih zemljanih površina u dvorištu ispred škole, pripremom zemljišta obradom i prekopavanjem, zasađivanjem novog parkovskog drveća, grmastih biljki i cvjetnog rastinja kreirati će se jedan vid botaničkog vrta koji će prije svega poslužiti edukaciji, a potom i mjestu za odmor tokom ljetnih dana. Održavanje cjelokupnog prostora će voditi nastavno osoblje sa svojim učenicima i učenicama.

MZ Tuholj
Šetnjom do zdravlja i čistog okoliša

Mjesna zajednica Tuholj svoj rad zasniva na unapređenju kompletnog života svih stanovnika, od ekonomskog, socijalnog do infrastrukturnog dijela. U saradnji sa PD Miljkovac Kladanj, Žena Ženi Kladanj i JU Biblioteka Kladanj žele očistiti divlje deponije na području MZ Tuholj, postaviti kante za otpad, te označiti tablama turističke i kulturno-historijske lokacije na području MZ Tuholj. Dodatno će organizovati šetnju iz Tuholja do planinarskog doma Miljkovac, gdje bi imali predavanje o uticaju okoliša na zdravlje. Na mjestima očišćenih deponija bi posadili drveće kako bi kultivisali zemljište, čime bi postojeće deponije bile bi minimizirane, a turističke i kulturno-historijske lokacije na području MZ Tuholj adekvatno obilježene i dodatno promovisane putem Turističke zajednice.

OBLAST: SMANJENJE NEJEDNAKOSTI I BOLJI POLOŽAJ RANJIVIH I MARGINALIZIRANIH GRUPA

Udruženje žena Žena -Ženi Kladanj
Adaptacija prostorija Udruženja žena Žena-ženi za useljenje i instaliranje mašina za preradu voća i povrća

Udruženje Žena-ženi Kladanj je osnovano u februaru 2019. godine, s ciljem osnaživanja žena, posebno žena oboljelih od raka dojke i drugih teških bolesti i trenutno broji 50 članica. U mjesecu maju 2020 godine su od



Opštine Kladanj dobile na korištenje prostor od 106 m², pod zakup na 5 godina za realizaciju svojih aktivnosti. S obzirom da je prostor u jako u lošem stanju i trenutno neuslovan, te bi ovim projektom počele adaptaciju istog. Do sada su svojim sredstvima obnovile dio krova i grubo čišćenje, ali im je prijeko potrebno uvođenje trofazne struje i vodoinstalacije, kako bi instalirale profesionalne mašine za preradu voća i povrća (donirane od strane NGO Nodas Sarajevo-Germany). Realizacijom ovog projekta planiraju uvesti trofaznu struju i uraditi vodoinstalaciju, a ostale radove će realizirati u fazama, kako bi prostor postao čim prije funkcionalan. Želja im je da u ovom prostoru žene imaju mogućnost da nastave proizvoditi svoje proizvode, koristeći savremena mašine, da rade na jačanju žena i ženskog poduzetništva. U planu im je da u saradnji sa bivšim mještanima svoga grada koji se nalaze trenutno u dijaspori, da brendiraju svoje proizvode i plasiraju ih na tržište.

Vijeće mladih općine Teočak
Omladinski kamp tolerancije
(projekt je podržan uslovno)

Projektom Omladinski kamp tolerancije planirana je međuentitetska saradnja i edukacije djece i mladih iz različitih lokalnih zajednica, Lopara, Ugljevik, Sapne i Teočaka na području jezera Sniježnica Pored edukacije planirana je izgradnja parka sa mobilijarom. Parcela na kojoj je predviđen kamp je u privatnom posjedu, a ugovornim odnosom planirano je ustupanje na period od 20 godina, sa pravom korištenja i upravljanja ovom parcelom veličine 1150 m², na obali jezera Sniježnica. Radionice koje su planirane tiču se predrasuda i stereotipa, a voditelji radionica će biti mladi iz Udruženja žena Teočak i Ugljevik, kao i nastavnici građanskog obrazovanja iz 4 škole. Uređenjem izletišta će biti postavljene klupe i stolovi, kako bi ta lokacija mogla biti dostupna svim građanima.

Udruženje za bolesti štitnjače ŠTIT
Štitnjača je naš štit

Udruženje za bolesti štitnjače ŠTIT je osnovano 2019. godine u Gradu Tuzla i trenutno ima 58 aktivnih članova. Od osnivanja su realizirali nekoliko besplatnih radionica za svoje članove i zainteresirane građane, a uspostavili su saradnju sa nadležnim ljekarima porodične medicine, specijalistom nuklearne medicine, farmaceutima, nutricionistima i drugim udruženjima. Projekat Štitnjača je naš štiti se prioritetno odnosi na promociju zdravog života, važnost okoliša u kojem živimo, poboljšanje uslova života i podrške u prevenciji i liječenju bolesti štitne žlijezde stanovništva na području TK. Obzirom da na području TK postoji značajno veliki broj oboljelih od svih vrsta bolesti štitnjače gdje su tokom dijagnosticanja i liječenja prepoznati problemi sa kojima se oboljeli susreću zbog nedovoljne informisanosti o svim mogućnostima liječenja i prevencije daljeg razvoja bolesti, kroz edukacije (6 radionica) koje će se održati i promociju na javnim mjestima, će se povećati informisanost i znanje stanovništva iz ovih oblasti. Realizacija projekta će kroz većinu planiranih aktivnosti također omogućiti produblivanje i povećanje obima i područja međupartnerske saradnje između javnog zdravstvenog sektora, farmaceuta i predstavnika lokalne zajednice.

Crveni križ Živinice



Kutak mladima, snaga starima

Crveni križ Živinice kao jedan od najboljih CK na području BiH ovim projektom planira da izvrši adaptaciju sale koje koriste njihovi članovi ali i mnoge druge organizacije na području Grada ivinice. Sala se koristi za realizaciju različitih edukacija, a kroz projektni prijedlog zamišljeno je da se nakon opremanja sale, realizuje nekoliko tematskih radionica na teme: trafiking, prva pomoć, radionica šminkanja realističnih povreda i sl.

Projektni tim za unaprijeđenje uslova za rad Centra za obrazovanje i vaspitanje i rehabilitaciju slušanja i govora Tuzla

Uređenje školskog toaleta

Centar za obrazovanje i vaspitanje i rehabilitaciju slušanja i govora Tuzla u proteklom periodu se suočavao sa nizom problema. Zbog velike poplave uništene su im bile prostorije, onemogućena nastava, a dodatno imaju poteškoća sa neadekvantim toaletima. Neophodnost i nužnost realizacije ovog projektnog prijedloga ogleda se u činjenici da navedena ustanova ne posjeduje adekvatno opremljene toalete za svoje učenike/ice i osoblje ustanove. Kroz realizaciju ovog projektnog prijedloga postaviti će se pregrade između već postojećih wc šolja, koje nisu u funkciji, dok se će se dodatno izvršiti adaptacija drugog toaleta kako bi bio finaliziran. Aplikant navodi da je djelovanje unutar ustanove uveliko otežano usljed nedostatka adekvatnih WC-ova, koji su uništeni tokom proteklih poplava.

Udruženje žena Devetak

Postavljanje ograde za prostorije Udruženja

Udruženje žena Devetak djeluje od 2018. godine i broje 22 članice udruženja. Projektom su planirali izradu ograde na stepeništu udruženja, čime bi obezbjedili sigurnost svojih korisnika. Prostorije ovog udruženja koriste KUD Devetak, Asocijacija mladih, Udruženje žena Devetak, a potreba se javila nakon što je jedna od korisnica prostorija pala preko ruba stepenica i zadobila povrede. Nakon ovog incidenta iz februara mjeseca, prostorije udruženja se ne koriste jer nisu obezbjeđeni minimalni sigurnosni uslovi što je onemogućilo rad ovom Udruženju.

Grupa građana Mosnik

Igralište za djecu Mosnik

Neformalna grupa građana iz Mosnika se okupila u mjesecu avgustu sa ciljem da u svojoj zajednici naprave prvo dječije igralište. U razgovoru sa direktorom škole su dobili saglasnost za realizaciju projekta unutar dvorišta škole, te je menadžment škole izrazio spremnost za dodatni angađman u projektu s ciljem obezbjeđenja mobilijara, ali i garancije sigurnosti i dugoročne održivosti. S obzirom na činjenicu da u ovoj mjesnoj zajednici ne postoji dječije igralište, izuzev školskog fudbalskog i košarkaškog terena, ovi građani planiraju da zapuštenu travnatu površinu u dvorištu škole preurede i da tu postave mobilijar za dječije igralište. Uspostavili su saradnju sa Ekološkim pokretom mladih „Let`s do it“, koji bi im pomogao oko čišćenja, uz dodatnu podršku mještana koji će biti uključeni u realizaciju svih projektni aktivnosti.



Savjet MZ Tušanj Sretni penzionerski dani

Neformalna grupa građana ispred savjeta MZ Tušanj želi da izvrši djelimičnu adaptaciju prostorija MZ, koje koriste svi mještani ove zajednice. U proteklom periodu su uz podršku drugih donatora (kao npr. Švicarski crveni križ) radili na uređenju i adaptiranju navedenih prostorija, s obzirom da su iste dotrajale i bile neuslovne za korištenje. Ovim projektom žele ponovo staviti u funkciju kuhinju, koja je nekada postojala u ovom prostoru, ali je dotrajala i uništena. Dodatno planiraju uraditi vodovodne instalacije, a kuhinju planiraju koristiti prilikom svih redovnih aktivnosti u prostoru MZ kao što su: priprema i podjela obroka socijalno ugroženim stanicima njihove zajednice, druženje penzionera, šahovska sekcija, grupa aktivnog starenja, te razne edukacije koje realizuju za svoje građane.

Javna ustanova za predškolski odgoj i obrazovanje Naše dijete Tuzla Darujmo ljepotu dvorištu vrtića Pčelica

JU Naše dijete Tuzla postoji već osam decenija, raspolaže sa 10 vrtića na području Grada Tuzla, a usluge koristi 950 mališana. Realizacijom ovog projekta žele urediti poprilično zapušteno dvorište Vrtića Pčelica u naselju Irac. Uz partnersku saradnju i uključivanje roditelja u sve aktivnosti planiraju urediti stari ali nabaviti novi mobilijar za igru i time omogućiti djeci da što više vremena provedu na otvorenom prostoru u sigurnom okruženju, a posebno u ljetnom periodu. Uređenjem dvorišta vrtića Pčelica bi se stvorili uslovi za bezbjedan boravak u dvorištu za oko 280 djece. Realizacijom projekta zapušteno i nesigurno dvorište, kao i uništeni mobilijar za igru, bili bi zamijenjeni i renovirani, a povećala bi se dodatno saradnja između menadžmenta javne ustanove i roditelja čija su djeca korisnici usluga vrtića.

GRADSKO KULTURNO UMJETNIČKO DRUŠTVO BOSNA TUZLA Sanacija krova sale za izvodjene proba svih sekcija

GKUD Bosna datira od 1945. godine i trenutno broji oko 150 korisnika. Od strane gradske uprave su dobili na korištenje prostor tj. salu koja se nalazi u objektu gdje je nekada bilo kino Kaledioskop (u strogom centru grada). Zbog dostrajalosti objekta, te posebno lošeg krova 2014. godine društvo je imalo velikih poteškoća u radu. Svojim zalaganjem, lobiranjem, te donatorskim ali i vlastitim sredstvima su uspjeli u proteklim godinama sanirati djelimično objekat, a uz pomoć gradske uprave sanirano je cca 80% krova. Zbog prokišnjavanja krova koji nije saniran morali su ugasiti struju u jednom dijelu objekta, te im je dodatno stradao parket što djelimično ugrožava nastavak rada ovog udruženja i nastavak realizacije njihovih redovnih aktivnosti. Ovim projektom planiraju da saniraju preostalih 80m² krova i da na taj način zaokruže krov kao cjelinu, te spriječe dalje uništavanje samog objekta tj sale.

OBLAST: OSIGURANJE PRILIKA ZA CJELOŽIVOTNO UČENJE I NEFORMALNO OBRAZOVANJE

Udruženje građana TISA



Zdrava hrana-Zdravo tijelo

Udruženje građana TISA je novoosnovano udruženje, koje ima za cilj zaštitu, očuvanje, unapređenje i promociju proizvodnje i potrošnje tradicionalnih, lokalnih, poljoprivredno-prehrambenih proizvoda i zanatskih proizvoda. U okviru ovog projektnog prijedloga planiraju da rade na promociji i osnaživanju svog udruženja, te na edukaciji i afirmaciji novih članica. Na početku realizacije projekta će putem društvenih mreža raditi na promociji zdravih namirnica, ali će i organizirati radionice na temu kako očuvati sezonsko voće i povrće, te kako ih konzumirati u zimskom periodu. Radionice će biti realizirane u prostorijama udruženja, a nakon održanih radionica organizirati će izlet na planinu, u MZ Tuholj, za sve učesnice, na kome će učiti kako prepoznati različito ljekovito bilje i upoznati se sa njegovom adekvatnom konzumacijom i namjenom.

Crveni križ/krst općine Lukavac Za zajednice prave edukuj mlade

Crveni križ/krst općine Lukavac projektom "Za zajednice prave edukuj mlade" planira održati edukacija iz sljedećih oblasti: ekologija, požari, rodne ravnopravnosti, diskriminacija, predrasude i stereotipi, street art i grafički dizajn. Pored toga, planirana je i akcija čišćenja i sadnje sadnica drveća. Posebno je važno istaknuti da će u edukacije biti uključeni pripadnici Profesionalne vatrogasne brigade Lukavac, članovi Crvenog križa Tuzlanskog kantona, kao i članovi Crvenog križa/krsta općine Lukavac. Planirano je da 30ak mladih prođe kroz edukacije i druge prateće projektne aktivnosti.

Javna ustanova Bosanski kulturni centar Alija Izetbegović Kalesija Škola slikanja sa izložbom

JU BKC Alija Izetbegović Kalesija planira projektom „Škola slikanja sa izložbom“ realizaciju projektnih aktivnosti sa ciljem podizanja nivoa kulturnih sadržaja na području općine Kalesija. Predviđena je realizacija škole slikanja za djecu i škola slikanja za odrasle, a nakon realizacije održat će se završna izložba radova izrađenih u toku škole. Realizacijom škole planiraju unaprijediti slikarske vještine korisnika, te potaknuti povezanost umjetničke i kulturne zajednice i ustanova. Predviđeno je da ukupno 30 osoba bude dio slikarskih radionica, a da izložbu ukupno posjeti 300 učenika osnovnih i srednjih škola.